



Competición “ Vigo en Xogo ”

Organiza: “AGRUPACIÓN DEPORTIVA VIGO”

Normas Xerais Regulamento

2.009 - 2.010

COMPETICIÓNS DEPORTIVAS E RECREATIVAS NON FEDERADAS



INDICE

1	NORMAS XERAIS	15	INCOMPARECIAS
1.1	Introdución	16	SANCIÓNS POR INCOMPARECIAS
1.2	Regulamentación	17	NON PRESENTACIÓNS
1.3	Condições de participación	18	SANCIÓNS POR NON PRESENTACIÓNS
1.4	Preinscrición e Inscrición	19	SANCIÓNS POR ALIÑACIÓN DE FEDERADOS,
1.5	Idades	20	REGULAMENTO DAS SANCIÓNS
1.6	Xogadores/as	21	SANCIÓNS ECONÓMICAS
1.7	Xogadores/as federados	22	PAGAMENTO DAS SANCIÓNS
2	ORGANIZACIÓN TÉCNICA	23	ACLARACIÓNS / RECLAMACIÓNS
2.2	Cambio de nome do equipo	24	RECURSOS
2.3	Cambio de equipo ou deporte	25	BAIXAS DE EQUIPOS, EXPULSIÓNS
2.4	Desenvolvemento	26	TABOLEIRO ANUNCIOS, E PAXINA WEB
3	CAMBIO DE HORARIO OU APRAZAMENTO	27	COMISIÓN DE PARTICIPACIÓN
4	NORMAS TECNICAS ESPECIFICAS	27.1	Compoñentes
4. 1	Delegados/as dos equipos	27.2	Nomeamentos
4. 2	Funcións e obrigacións do/a responsable e delegado/as	27.3	Competencias
4. 3	Retirada ou expulsión do/s delegado7s	27.4	Reunións
4. 4	Campos de Fútbol 7 e Pavillóns	28	COMITÉ DE COMPETICIÓN
4. 5	Encontros	29	COMITÉ DE APELACION
4. 6	Duración dos encontros	30	ÁRBITROS
4. 7	Licenzas	30.1	Obrigas
4. 8	Puntualidade	30.2	Regulamentación
4. 9	Vestimenta	30.3	Anexos
4.10	Adornos, lentes, aparellos	31	INCOMPARENCIA ARBITRAL
4.11	Balóns	32	SEGURO DOS ACCIDENTES DEPORTIVOS
4.12	Bancos	32.1	Co ndicións particulares
4.13	Revisión das Licenzas	32.2	Garantías aseguradas
5	ASCENSOS E DESCENSOS	32.3	Asistencia sanitaria
6	REGULAMENTACIÓN DOS DEPORTES	32.4	Asegurados
7	ALIÑACIÓNS ENDEBIDAS	32.5	Cobertura e riscos cubertos
8	NORMAS XERAÍS DAS FALTAS	32.6	Riscos excluídos
8.1	Carácteriscas xerais	32.7	Declaracións dos sinistros
8.2	Especificación das faltas	32.8	Datos para cubrir o parte de accidentes
8.3	Tipos de sancións	33	BAIXA MÉDICA
9	REGULAMENTO XERAL DAS SANCIÓNS	34	USO ENDEBIDO DO SEGURO
9 1	Sancións xerais	35	DISPOSICIÓN DERRADEIRA
9.2	Sancións ao responsable ou delegados/as		
9.3	Sancións aos xogadores		
10	PERMUTA DAS SANCIÓNS		
11	SANCIÓNS POR CARTÓNS		
12	SANCIÓNS POR ACUMULACIÓN DOS CARTÓNS		
13	EXPULSIÓN POR CARTÓNS		
14	SUSPENSÍONS		

1.1 INTRODUCCIÓN

Esta competición **DEPORTIVA RECREATIVA NON FEDERADA** para o fomento e práctica do deporte afeccionado nace dunha idea do **Concello Vigo** e da **“Agrupación Deportiva Vigo”** no ano 1992, coñecéndose hoxe en día como **“Vigo en Xogo”**.

Dende o ano 2006, a **“Agrupación Deportiva Vigo”** é membro da **Asociación Española de Fútbol 7. non federado**.

1.2 REGULAMENTACIÓN

1) A regulamentación que rexe esta competición é a presente normativa; e o seu cumprimento é seguido pola Organización, Comité de Competición e Comité de Apelación, os cales poderán actuar de oficio en toda momento e lugar para esclarecer ou sancionar calquera feito producido no transcurso da competición e sen suxeición de prazo.

2) A inscrición nesta competición leva consigo aceptación polos participantes das normas xerais e disposicións recollidas no presente regulamento, así como aquelas outras que a organización puidese aprobar ao longo da tempada.

3) O regulamento técnico aplicado a cada deporte é o marcado pola federación deportiva correspondente; entendose por regulamento técnico; aquel que especifica e regula as causas propias do xogo, coa salvidade dos puntos que se indican na presente normativa, así como o regulamento de xogo desta competición, que prevalecerán sobre o regulamento de calquera federación.

4) A potestade disciplinaria da **“Agrupación Deportiva Vigo”** exercidas polo Comité de Competición e Comité de Apelación, esténdese a todas as persoas que estean dentro da súa estrutura orgánica, sobre os clubs deportivos, equipos e aos seus delegados/as, e xogadores, xúices árbitros, oficiais de mesa, e en xeral en todas aquelas persoas que estean vinculadas de forma directa ou indirecta en todas as actividades que organiza.

1.3 CONDICIÓN DE PARTICIPACIÓN

1) Nesta **Competición Recreativa Non Federada** poderán participar todas as asociacións, clubs, entidades e todos as persoas que o desexen de forma colectiva, sempre que se inscriban nos prazos establecidos e o permitan as posibilidades da organización.

2) Para adquirir a condición de participante deberán cumprirse todos os requisitos esixidos pola organización.

3) No caso de que un integrante dun equipo que fora expulsado nas tempadas anteriores polo uso indebido de outro/s Centro/s Sanitario/s, Facultativo/s, Ambulancia/s ou polo uso incorrecto da/s instalación/s deportiva/s, unha vez cumprida a súa sanción, quera volver a participar en calquer competición que organice a **“Agrupación Deportiva Vigo”**, terá que aboar o total ou a parte proporcional que lle correspondía dos gastos acaecidos. Asemesmo tamen terá que depositar unha fianza de **60,00.-€**.

4) A fianza lle será devolta cando deixe de participar, sempre que nin él, seus compañeiros do equipo ou acompañantes no contravengan calquer causa das que se fan referencia no apartado anterior.

1.4 PREINSCRICIÓN E INSCRICIÓN

1) A preinscrición e inscrición terá que facela a persoa responsable do equipo. Todos os equipos terán que facer a preinscrición e presentar a súa documentación nos prazos e formas establecidos pola organización,

2) Despois de facer a preinscrición e aboar a fianza, seo equipo causa baixa non terá dereito á devolución desta.

3) No caso de falseamento nos datos da preinscrición ou inscrición, licenza/s ou calquera outro documento relacionado conha competición, será responsable da veracidade desta a persoa

responsable do equipo, así como o/s xogador/es que conste/n na dita documentación que serán **expulsados** de **unha** a **catro** tempadas.

4) Non se poderá inscribir ningún **xogador federado** de: baloncesto, voleibol, balonmán, fútbol sala, fútbol 7 e fútbol 11, estea ou non en activo se non cumpre o establecido no **artigo 1.7**.

5) A inscrición nesta competición atorgalle ás e aos participantes os seguintes dereitos e debeis: Pagamento dos gastos xerais da organización, colaboradores, arbitaxes e alugeiro de instalacións; información periódica sobre o desenvolvemento da competición e cobertura de atención médica polas lesións que poidan sufrir as e os participantes durante os encontros e segundo as condicións específicas da póliza do seguro de accidentes.

1.5 IDADES

1) As e os participantes terán que ser maiores de idade; En caso excepcional permítese a incorporación só de dous xogadores/as menores de idade por equipo, (16 - 17 anos) en neste caso o pai/nai o tutor/a legal terá que cubrir no impreso oficial desta agrupación unha autorización, e entregar unha copia compulsada do seu DNI. O impreso ten que ser asinado tamén pola persoa responsable do equipo.

2) Na División de Honra (maiores de 30 anos), só poden participar un máximo de tres xogadores por equipo que teñan 28 ou 29 anos.

1.6 XOGADORES/AS

O/s delegados/xogadores ou xogadores/as, só poderán xogar en dous deportes diferentes baloncesto e fútbol sala ou baloncesto e fútbol 7.

1.7 XOGADORES FEDERADOS

1) O/a xogador/a federado/a en **baloncesto e voleibol** non pode xogar a **baloncesto**.

2) O/a xogador/a federado/a en **balonmán, fútbol sala, fútbol 7 e fútbol 11**, non pode xogar en **fútbol sala** nin a **fútbol 7**.

2 ORGANIZACION TÉCNICA

2.1 CAMBIO DE NOME DO EQUIPO

Unha vez comezada a competición non se pode cambiar o nome do equipo.

2.2 CAMBIO DE EQUIPO OU DEPORTE

1) Non se pode cambiar de equipo dentro da súa modalidade deportiva na mesma tempada.

2) Só poderán cambiar de deporte aquelas ou aqueles delegados/xogadores ou Xogadores que teñan licenzas para baloncesto e fútbol sala ou baloncesto e fútbol 7.

2.3 DESENVOLVEMENTO

1) A competición lévase a cabo en pavillóns e campos municipais, así como nas instalacións que a organización poida alugar.

2) Os encontros de forma xeral terán lugar nos fins de seman, ben sexa o sábado ou domingo coas programacións seguintes:

BALONCESTO,	sábados dende as:	13,00 ata as 21,00 horas
	domingos.dende as:	8,30 ata as 21,00 horas

FÚTBOL SALA E FUTBOL 7

sábados dende as: 13,00 ata as 21,00 horas
domingos dende as: 9,00 ata as 21,00 horas

3) En casos excepcionais ou por necesidades organizativas pódese variar esta norma, tendo que xogar os venres ou sábados pola noite ou noutros horarios e datas.

3 CAMBIO DE HORARIO OU APRAZAMENTO

O cambio de horario como o aprazamento dos encontros, polas incidencias que ocasiona na organización e desenvolvemento da competición, será algo excepcional e terá que ter unha causa de forza maior xustificada e moi importante para que a organización ou o Comité de Competición o autorice.

- 1) Cada equipo ao longo da tempada só terá dereito a **catro** cambios de horario.
- 2) Cando queden só **catro** xornadas para o remate da tempada non se concederá ningún cambio de horario nin aprazamento.
- 3) Só a persoa responsable do equipo ou os outros delegados poderán solicitar o cambio de horario ou aprazamento na solicitude que facilita a organización, que se cubrirá en todos os seus apartados e asinada. A solicitude ten que ser entregada antes das **20,30** horas do **luns** anterior a xornada para disputar o encontro.

4 NORMAS TÉCNICAS ESPECÍFICAS

4.1 DELEGADO/AS DOS EQUIPOS

Cada equipo só poderá ter un máximo de **tres delegados** repartidos en, **delegado/as ou delegado/s/xogador/es**, pero só **un** exercerá as funcións de **responsable do equipo**. Unha vez nomeada/o o responsable, o equipo que desexe cambialo/a terá que solicitalo por escrito a organización.

4.2 FUNCIÓNS E OBRIGACIÓNS DO/A RESPONSABLE E DELEGADO/A

- 1) Pola súa especial responsabilidade deberán dar exemplo ante os seus xogadores/as e acompañantes, son os responsables de todos eles, e terán que velar que todos cumpran as normas establecidas respecto as instalacións, así como nas deste regulamento referente a uniformidade ou feitos antideportivos co fin de que impere a boa orde de todos, antes, durante ou despois do encontro, tanto no campo de xogo como fóra del, para o que colaborarán co árbitro, oficial da mesa, responsable/s da/s instalación/s e membros da organización ou comités cando sexan requiridos.
- 2) O/a responsable do equipo é a única persoa que legalmente representa ao equipo ante a organización, cos dereitos e obrigas que tal representación lle outorga.
- 3) O/a responsable do equipo terá que tramitar a inscrición e dilixenciar as licenzas ante a organización; velará pola veracidade dos datos nelas contidos, e que estas se axusten as normas e regulamento da competición
- 4) O/a responsable, o delegado/a ou delegado/xogador será só a persoa autorizada para dirixirse, presentar suxestións, aclaracións, reclamacións e interpor recursos na defensa dos intereses do seu equipo ante a organización ou comités de competición e apelación.
- 5) O/a delegado/a non pode xogar e só poderá ter licenza para unha modalidade deportiva. Só o delegado/xogador pode xogar e exercer as dúas funcións. No caso de participar en dous deportes, deberá ter licenza e seguro deportivo para cada un deles.

6) Para comezar o encontro, sempre ten que estar presente unha/un delegado de cada equipo, (Responsable, Delegado/a ou Delegado/Xogador). Se por causas de forza maior non se presenta ningún deles poderá exercer as funcións de delegado durante todo o encontro un xogador, tendo este que permanecer no banco sen cambiarse. **No caso de xogar considérase aliñación indebida.**

7) Quen faga de delegado coa debida antelación **5 minutos** antes do comezo do encontro, terá que entregarlle ao árbitro, as licenzas só dos xogadores que están presentes nese momento, identificándoos co seu número de dorsal. Cuberta a acta con estes datos terá que asinala, coa súa sinatura certificará que os xogadores están presentes na instalación deportiva.

8) Quen faga de delegado no encontro comunicarlle ao árbitro calquera lesión do/s seu/s xogador/es para que o faga constar no acta, solicitarlle o parte de sinistro para o Seguro Médico Deportivo, e no caso de extrema gravidade será o responsable de chamar a ambulancia que esta concertada co seguro.

4.3 RETIRADA OU EXPULSION DO/AS DELEGADO/AS

1) No caso de que un equipo teña sancionados os tres delegado/as, pode solicitar unha autorización para que un máximo de dous xogadores fagan as funcións de delegado/xogador. Esta autorización eventual rematará cando vaian cumprindo as sancións aos titulares.

2) No caso de que un equipo se quede sen responsable ou delegados pola súa retirada ou expulsión, o equipo poderá solicitar só un novo nomeamento de responsable delegado/a ou delegado xogador. Se este novo cargo e sancionado coa súa expulsión, o equipo tamén será **expulsado**.

4.4 CAMPOS DE FUTBOL 7, E PAVILLÓNS

1) Está terminantemente **prohibido fumar**, consumir **bebidas alcohólicas** e comer **pipas** nos campos de futbol 7, pavillóns, bancos e vestiarios. O delegado no encontro e todos os compoñentes do equipo son os responsables dos seus acompañantes, os cales tamén están suxeitos a cumprir esta norma.

2) Todos os participantes e os seus acompañantes están obrigados ao cumprimento das normas de uso e conservación das instalacións deportivas; serán responsables dos danos causados nelas, na persoa, bens ou propiedades dos outros participantes, membros da organización, persoal das instalacións e xuíces árbitros; derivados de calquera tipo de conduta violenta ou antideportiva.

3) No caso de producirse algún acto vandálico causando algún deterioro nas instalacións e non se saiba quen foi o/a culpable/s, faranse responsables a todos os equipos que xogasen ata o momento de ter coñecemento dos ditos deterioros. Estes equipos terán que facerse cargo de todos os gastos dos danos causados.

4) No caso de que algún equipo non queira facerse cargo dos gastos orixinados todos os seus compoñentes serán **expulsados** dende **unha a catro** tempadas.

5) Nos terreos de xogo está terminantemente **prohibido** que estean os **acompañantes** mentras se esta a xogar.

6) Nos campos de Futbol 7 que están próximos, non se pode quecer co/s balón/s no medio deles nin polas bandas. Tampouco podera facerse nos pavillóns mentres están xogando outro/s equipo/s.

7) **Nin a organización nin os responsables das instalacións deportivas, se farán cargo de calquera dano que poidan sufrir os acompañantes e os nenos/as por estar no terreo de xogo ou nos bancos. Tampouco se farán cargo dos furtos que poidan ter lugar nos vestiarios, bancos, pavillóns e terreos de xogo.**

4.5 ENCONTROS

1) O número mínimo de xogadores para poder comezar un encontro será o seguinte: **baloncesto e fútbol sala cinco, e fútbol 7 seis**

De non cumprir a esta norma daráselle o encontro como **incomparecencia**.

2) O encontro rematará cando por calquera feito un equipo quede no terreo de xogo con: **un** xogador en baloncesto, con **tres** en fútbol sala ou con **catro** en fútbol 7.

De estarnos neste caso, e ir o equipo infractor empatado ou gañando, daráselle o encontro por perdido por **2 a 0** en baloncesto e por **1 a 0** en fútbol sala e fútbol 7, e de ir perdendo o resultado será válido.

3) Se un/s xogador/es chega/n mentres se está a xogar o primeiro tempo ou antes do comezo de segundo, este/s poderá/n xogar. O/a delegado do equipo no encontro, entregara no descanso a/s licenza/s ao árbitro para que o/s apunte/n na acta. De non facelo, considerarase **aliñación indebida**

4.6 DURACION DOS ENCONTROS

1) **Baloncesto**: dous tempos de 25 minutos cada un con 5 minutos de descanso; os últimos 3 minutos do segundo tempo serán a reloxo parado.

2) **Fútbol Sala e Fútbol 7**: dous tempos de 25 minutos cada un con 5 minutos de descanso.

3) **En caso de forza maior (atraso no comezo do encontro) estas normas pódense variar para axustar o horario establecido pola organización**

4.7 LICENZAS

1) As licenzas deberán estar cubertas en todos os seus apartados: nome, apelidos e DNI. coa súa letra, e número do dorsal, terán validez pola tempada, e poderán ser renovadas nas seguintes.

O primeiro prazo para novas licenzas remata o mércores anterior á **4º** xornada.

O segundo prazo comeza dende o luns posterior á **15º** xornada ata o mércores anterior á **18º**.

As datas para darse de alta son só de luns a mércores.

2) Os delegados no encontro deberán presentarlle ao árbitro, a/s **licenza/s oficial**. So en caso de forza maior permitírase a presentación do DNI ou outro documento orixinal que teña a foto do participante.

3) Se un equipo ou un integrante do mesmo, non presenta a/s **licenza/s** unha segunda vez, o delegado/responsable será sancionado con **tres** encontros; a terceira vez con **seis** encontros, tamen será sancionado o equipo como **incomparecencia**, de reincidir o equipo sera **expulsado**.

4.8 PUNTUALIDADE

1) Co fin de comezar o encontro no horario establecido pola organización, o/s equipo/s teñen a obriga de presentarse coa debida antelación, (**5 minutos antes do comezo do encontro**).

2) Establécense só **5 minutos de cortesía**, a partir da hora prefixada para o comezo do encontro, unha vez pasado o dito tempo o árbitro cerrará a acta e reflectirá nela o/s equipo/s que no/n está/n presente/s.

4.9 VESTIMENTA

1) Os equipos usarán a roupa deportiva descrita na folia de inscrición, será obrigatorio saír ao terreo de xogo debidamente uniformados, pantalóns e camisetas iguais e da mesma cor; no seu lombo figurará un número distinto para cada xogador/a perfectamente visible e adherido, de tal xeito que non poida modificarse no transcurso do encontro.

2) Os xogadores non poden mostrar camisetas interiores con publicidade e deben de ter manga (fútbol sala e fútbol 7). O equipamento básico obrigatorio non deberá ter mensaxes políticos, relixiosos ou persoais.

3) Os porteiros (fútbol sala e fútbol 7), deberán empregar outros cores que os distinguan dos xogadores e do árbitro. Non podendo ter obxectos perigosos, coma por exemplo: cremalleiras.

4) Todos os xogadores de **fútbol sala e fútbol 7** terán que usar obrigatoriamente un **protector das canelas** as cales teñen que estar totalmente cubertas coas medias, e estar feitas dun material apropiado (goma, plástico, poliuretano ou outra substancia similar).

5) De usar roupa interior debaixo da camiseta terá que ter a mesma cor, se se usan pantalóns termicos tamén terán que ser da mesma cor que o pantalón.

6) Cando a cor das camisetas dos equipos sexan iguais ten que cambiar obrigatoriamente o equipo visitante.

En todos os deportes é obrigatorio que os xogadores ao saír ao terreo de xogo leven a camiseta por dentro do pantalón e tamén cando están a xogar.

4.10 ADORNOS, LENTES, APARELLOS

1) Os xogadores non poden xogar con reloxo, pulseiras, aneis, pendentes, piercing ou calquera outra clase de xoias que sexan perigosos para eles ou para os demais xogadores. No caso de que un xogador non poida quitar o adorno, terá que cubri-lo con esparadrapo ou con outro material de xeito que non manque a ninguén. **O árbitro non deixará xogar a que non cumpra esta norma.**

2) Os delegados/xogadores ou xogadores, que teñan que xogar con: lentes, aparellos dentais, etc., farano **baixo a súa enteira responsabilidade**. A organización, nin o seguro deportivo faranse cargo de calquera accidente que poida/n sufrír por causa do seu uso. O xogador que teña que xogar con gafas ou calquer aparello, terá que avisar o árbitro do encontro, o cal reflectira na acta o número da súa licenza, tendo este que asinar a mesma

4.11 BALÓNS

Cada equipo ten a obriga de presentar ao árbitro antes do comezo do encontro, un **balón** en boas condicións e que reúna as características aprobadas pola organización. No caso de non valer, será sancionado o **responsable** do mesmo, **artigo 9, apartado 9.2 g)** e o equipo será sancionado economicamente, **artigo 21, apartado f.**

4.12 BANCOS

1) No banco de cada equipo todos os participantes que non estean xogando terán que **permanecer sentados** no mesmo, e só poden estar durante o desenvolvemento do encontro os participantes que consten na acta. Os xogadores teñen que estar debidamente uniformados. No caso de que pola ausencia do delegado, un xogador faga as súas funcións non podera estar uniformado.

2) O/s xogador/es expulsado/s no encontro, con dous cartóns amarelos, cartón azul ou vermello ou técnica descalificante, non pode/n estar no banco nin polo arredor.

4.13 REVISIÓN DAS LICENZAS

1) A revisión e comprobación das Licenzas por parte dos Xuíces Árbitros ou polos membros da organización, e comites de competición e apelación pódense facer, antes do encontro, no descanso ou despois do remate do mesmo.

2) Calquera negativa por parte dalgún equipo á someterse a dita revisión o a falta de algún dos participantes no momento de levala a cabo será reflectida na acta do encontro ou nun informe, e terá a consideración de **aliñación indebida**.

3) Ao facer a revisión das Licenzas, no caso de dúbidas sobre a identificación dun participante, este terá que presentar o seu DNI, ou outro documento orixinal para a súa identificación.

Calquera incumprimento do disposto neste artigo 4, ou nos seus apartados, deberán ser reflectidos polo árbitro na acta do encontro, ou nun anexo da mesma para os efectos disciplinarios previstos neste regulamento.

5 ASCENSOS E DESCENSOS

1)	BALONCESTO		1ª División	baixan	4			
	“		2ª “	baixan	10			
2)	FUTBOL SALA		1ª División	baixan	4			
			2ª “	ascenden	2	de cada grupo		
			2ª “	baixan	4	“ “ “		
			3ª “	ascenden	2	“ “ “		
			3º “	baixan	2	“ “ “		
			4º “	ascenden	8			
3)	FUTBOL 7	División de Honra	1ª División	baixan	4			
		“ “	2ª “	ascenden	2	de cada grupo		
4)	FUTBOL 7	Senior	1ª División	baixan	4			
		“ “	2ª “	ascenden	2	de cada grupo		
		“ “	2ª “	baixan	4	“ “ “		
		“ “	3ª “	ascenden	2	“ “ “		
		“ “	3ª “	baixan	2	“ “ “		
		“ “	4º “	ascenden	8			

5) A/s praza/s do/s equipo/s que perda/n a súa categoría pola aliñación de xogadores federados ou por incomparecencia ou non presentación nas últimas catro xornadas, será/n ocupada/s polo/s equipo/s da categoría inferior mellor clasificado/s, manténdose igual os ascensos e descensos.

6 REGULAMENTACIÓN DOS DEPORTES

Baloncesto

1) No caso de non estar presente o oficial da mesa, o equipo locatario terá que poñer a disposición do árbitro unha persoa cualificada para exercer a súa función. No caso de ser un xogador, poderá exercer dita función nun período ou nos dous, non podendo xogar mentres o faga.

2) No caso de que un equipo quede con **4** xogadores no terreo de xogo **só por expulsións persoais**, o xogador que faga de oficial de mesa poderá cambiarse por un dos sancionados. No caso de xogar non cumprindo esta norma, considerarase **aliñación indebida**.

3) Non poderá facer de oficial de mesa, ningún integrante do equipo se esta sancionado con tarxeta técnica no encontro ou polos comités de competición, apelación ou organización.

4) Se o que fai de oficial de mesa é un delegado ou un xogador, terá que presentar a súa licenza ao árbitro do encontro. No caso de ser unha persoa que non pertence ao equipo terá que identificarse co seu DNI.

5) A persoa que faga de oficial de mesa, non poderá facer ningún comentario de carácter técnico cara ao árbitro. O árbitro podera mandar substituírlo cando considere que está interferindo na súa labor.

Futbol Sala

1) Na acta só se poden anotar un máximo de 12 xogadores e delegado/a.

2) No inicio do encontro, os equipos terán que ocupar os bancos situados na su zona de defensa, tendo que cambiarse no segundo tempo.

3) Cada equipo só ten dereito a un tempo morto de un minuto en cada periodo do xogo. Os tempos mortos só se concernán estando na posesión do balón. Cando falten só **4 minutos** para o descanso ou para a terminación do encontro, non se poderán pedir tempos mortos.

4) Se un xogador se cambia polo porteiro, terá que levar o número de dorsal que lle corresponde.

5) O executar o tiro libre directo, os adversarios teñen que estar a 5 metros do balón.

A partir da xesta falta non poderan formar barreira de protección. O porteiro ten que estar na súa área, a 5 metros do balón como mínimo.

Os xogadores teñen que poñerse detrás de unha linea imaxinaría alineada co balón, paralela a linea de meta e fora do área e a unha distancia de 5 metros do balón, no podendo obstaculizar o xogador que executa o tiro libre.

Ningun xogador podera pasar a devandita linea, ata que o balón sexa golpeado e posto en movemento.

6) O facer o saque da linea de banda, o balón tén que estar inmóvil sobre a devandita linea, o executor, ten que tér unha parte dun pé sobre a linea de banda ou no exterior para facer o saque. Os xogadores defensores teñen que estar a unha distancia mínima de 5 metros.

7) Pitarase falta indirecta se se tardan mais de 4 segundos, no saque de meta, sacar da linea de banda ou executar un saque da esquina,

NOTA: A Regulamentación das regras da Federación Galega están, na paxina wed www.vide.es, da Fundación Vigo en Deporte (VIDE).

Futbol 7

1) Xógase sen fora de xogo

2) Existen 3 cartóns: amarelo, azul (expulsión con cambio) e vermello (expulsión sen cambio), o árbitro mostraraas nos lances de xogo merecedores das mesmas.

3) No saque dende o centro do campo o gol é valido tanto ao inicio como ao conseguir o gol.

4) No saque de porta o balón non poderá pasar do centro do campo. No caso de pasar pitarase falta tirando a mesma na liña do centro do campo por donde pasou o balón.

5) Estando o balón en xogo o porteiro poderá saír do área xogando el mesmo, e será considerado como un xogador máis.

6) O porteiro cando reciba un balón, aínda que sexa dun contrario, non poderá golpealo directamente o medio campo contrario, de volea nin de bote pronto, se non que terá que polo en xogo no chán, en disputa, e golpelo co pé.

7) O porteiro **NON** poderá recoller coa man o balón dos seus compañeiros, nin en cesión de xogo, nin en cesión de banda. Considérase cesión se se fai pasandolle o balón dende a cintura para baixo.

Lanzarase a falta dende o frontal da área no lugar máis preto ao lugar da infracción.

No caso de reiteración na/s cesión/s o/s xogador/es será/n sancionado/s con cartón amarela.

8) O saque da falta é libre sempre que o balón este parado e no lugar correcto, excepto apreciación do árbitro ou que se pida barreira (7 metros)

9) Se un xogador contrario se coloca diante do balón (menos de 3 metros) e interrompe intencionadamente o normal desenvolvemento do xogo, será amonestado con cartón amarelo. Se o lanzador da falta busca deliberadamente provocar a cartón lanzando o balón ao contrario, será sancionado con cartón amarelo.

10) No caso de producirse unha falta (agás o penalti) dentro da área (xogo perigoso, cesión retención, etc...), o balón lanzarase dende o frontal da area no lugar mais preto o que se cometeu a falta, situandose a barreira a 7 metros.

7 ALIÑACIÓNS INDEBIDAS

- 1) **Aliñación do delegado/a**
- 2) **Aliñación do xogador que estea facendo as funcións de delegado no encontro.**
- 3) **Aliñación do/s SANCIONADO/S**
- 4) **Aliñación do/s xogador/es, que esté/an de BAIXA polo Seguro Deportivo**
- 5) **Aliñación de xogador/es, que falsifique/n a súa Licenza.**
- 6) **Aliñación de persoa/s ou xogador/es, que xogue/n coa/s licenza/s de outro ou non teñan unha autorización da organización**
- 7) **Aliñación de xogador/es, que se poña/n a xogar unha vez comezado o segundo tempo non constando na acta.**
- 8) **Aliñación de un/s xogador/es cando cambie/n de camiseta pola de outro xogador que xa este xogando, sen poñelo en coñecemento do árbitro.**
- 9) **Aliñación do xogador de baloncesto que estea facendo de oficial de mesa nese período tendo o seu equipo, máis de catro xogadores no terreo de xogo.**
- 10) **Por xogar o primeiro tempo e non entregar antes do comezo do segundo, as licenzas ou outro documento acreditativo das identidades dos participantes no encontro.**
- 11) **Cando o equipo se nega a facer a revisión das licenzas ou a falta de algún dos participantes no momento de facelo.**
- 12) **Cando un participante se nega a presentar outro documento para a súa identificación no momento de facer as comprobacións das licenzas.**

O equipo que incumpra calquera apartado deste artigo, será **EXPULSADO** da Competición sendo sancionado o **responsable** do mesmo, e o resto dos compoñentes dende **unha a catro** tempadas.

8 NORMAS XERAIS DAS FALTAS

8.1. CARACTERÍSTICAS XERAIS

Considéranse faltas todas as accións ou omisións que se fagan con intención, culpa ou negligencia, con resultado sancionable polo xuíz árbitro, organización e comites.

1) O ámbito destas normas/regulamento esténdese a infraccións do regulamento e as formas de conducta antideportiva durante a competición "**Vigo en Xogo**", coa salvidade de que todos os participantes poderán ser sancionados en todo evento, sexa deportivo ou non, que organice a "**Agrupación Deportiva Vigo**", cando o seu comportamento non sexa o correcto o vaia en contra das normas establecidas no presente regulamento.

2) Na clasificación das faltas teranse en conta as circunstancias modificativas de culpabilidade que poiderán concorrer nas mesmas.

8.2. ESPECIFICACIÓNS DAS FALTAS

O grao das faltas atendendo ás circunstancias modificativas das mesmas son as seguintes, leves, graves e moi graves.

1) **Son circunstancias modificativas atenuantes, as seguintes,**

- a) Aceptar inmediatamente a sanción que o árbitro impuxo.
- b) Que o infractor amose arrepentimento de forma ostensible e inmediata á acción da falta.
- c) Non amosar solidariedade cos infractores, no caso de sancións colectivas.
- d) Non ter sido sancionado anteriormente.

2) **Son circunstancias modificativas agravantes, as seguintes,**

- a) Non acatar de forma inmediata a decisión do árbitro.
- b) Provocar coas faltas, graves anomalías no desenvolvemento do encontro.
- c) Provocar o apoio tumultuoso ou violento doutras persoas.
- d) Ser reincidente.

8.3 TIPOS DAS SANCIÓNNS

1) As sancións terán o carácter preventivo, educativo e correctivo que axude ao fomento e desenvolvemento das condutas e espírito deportivo e xogo limpo que debe rexer esta competición. Desta forma salvagardarase a boa organización e o respecto para que os participantes acaten as normas e regulamento da mesma.

2) Os tipos de sancións tipifícanse en, **amoestacións, suspensións e expulsións.**

9 REGULAMENTO XERAL DAS SANCIÓNNS

9.1 SANCIÓNNS XERAIS

a) Cando o equipo campión de grupo que ten que xogar o **Torneo de Campións**, non poña en coñecemento da organización antes do **xoves** anterior á dita xornada, que non se pode presentar a xogar, será **expulsado** e non poderá participar na seguinte tempada. No caso de non presentarse por causa maior debidamente xustificada, o comité de competición será quen resolva dita incomparecencia.

b) Cando un equipo que estea xogar o **Torneo de Campións**, se retira do mesmo sen unha causa maior debidamente xustificada, será **expulsado** e non poderá participar na seguinte tempada.

c) Cando un equipo se compromete a representar á organización en calquera competición allea á competición de "**Vigo en Xogo**", non se presentara ou se retira da mesma antes do seu remate, sen unha causa maior debidamente xustificada, será **expulsado** e non poderá participar por **dúas** tempadas.

- d) Todo participante que con as súas verbas, así como escritos en calquera medio de difusión público ou privado, ou en calquera acto notorio ou público, sen fundamento nin razón, actuando de mala fe, desprestixie, menoscabe ou atente contra a dignidade da organización, dos membros da mesma, árbitros e colaboradores será sancionado, dende **tres a vinte** encontros, ou **expulsado** dende **unha a dúas** tempadas.
- e) Os delegados (responsable, delegado/a ou delegado/xogador), así como todos os demais compoñentes do equipo son os responsables do comportamento dos seus acompañantes, poidendo ser sancionados en función da gravidade dos feitos e circunstancias concurridentes, dende **amoestación a vinte** encontros e, dependendo da gravidade dos feitos acaecidos, **expulsión** dende **unha a tres** tempadas puidendo tamen ser **expulsado** o equipo polo mesmo tempo.
- f) Polo uso incorrecto das instalacións deportivas e/ou seu mobiliario, non cumprindo as normas das mesmas así como deste regulamento será sancionado dende, **tres a vinte** encontros, e segundo a gravidade dos feitos acaecidos poderá ser **expulsado** o/s infractor/es e tamén o equipo dende **unha a catro** tempadas
- g) Por **fumar**, consumir **bebidas alcohólicas** e comer **pipas**, nos campos de fútbol 7, pavillóns, bancos e vestiarios, será/n sancionado/s dende **tres** encontros a **expulsión** da competición, dende **unha a tres** tempadas, e podera chegar a sancionarse ao equipo polo mesmo tempo.
- h) Por negarse a abandonar o terreo de xogo, ou o banco cando sexa expulsado no encontro, dende **oito** encontros á **expulsión** dende **unha a tres** tempadas, puidendo tamén ser **expulsado** o seu equipo polo mesmo tempo.
- i) Pola falsificación da documentación, **expulsión** do responsable do equipo e do que conste nela dende, **unha a tres** tempadas, puidendo tamén ser **expulsado** o equipo polo mesmo tempo.
- j.) Por xogar a fútbol sala e fútbol 7, **expulsión** dende **unha a tres** tempadas
- k) Pola non adecuada vestimenta de **tres** ou **máis** xogadores do equipo, sanción económica e perda de **dous puntos** na clasificación xeral.
- l) Polo uso indebido do seguro, para unha lesión non acaecida nesta competición “**Vigo en Xogo**”, **expulsión** do **infractor** e do **responsable** do equipo dende **dúas a catro** tempadas
- m) .Polo uso indebido por parte de calquera participante das actas, licenzas o outros documentos da organización, sanción dende **tres a dez** encontros. No caso de ser un acompañante do equipo, será sancionado o delegado responsable no encontro.
- n) Por adoptar unha actitude pasiva ou negligente no cumprimento das ordes, decisións ou instrucións do árbitro, oficial da mesa, responsable/s das instalacións deportivas, membros da organización e comités, cando se lle solicite, non poñéndose a disposición do/s mesmo/s, ou se desatenda das mesmas, dende **dous a quince** encontros.
- ñ) Polas, desconsideracións, menoscabos, protestas, insultos, berros, ameazas, empregar xestos ou actitudes coactivas e ademáns, formular reparos ou observacións pronunciando verbas atentatorias ao decoro ou dignidade, antes, durante o despois da celebración dun encontro, cara ao árbitro, oficial de mesa, compoñente/s do equipo propio ou contrario, público en xeral, responsable/s da/s instalación/s, membro/s da organización ou comités, dende **dous** encontros á **expulsión** dende **unha a tres** tempadas, puidendo tamén ser **expulsado** o equipo polo mesmo tempo.
- o) Pola incitación os deportistas, acompañantes ou público en xeral e outras actitudes antideportivas, con xestos ou palabras contra o desenvolvemento do encontro dende **tres a quince** encontros ou **expulsión** dende **unha a tres** tempadas.
- p) Polo intento de agresión, ou repeler a mesma de **tres a vinte** encontros, puidendo chegarse segundo a gravidade dos danos ocasionados á **expulsión**, dende **unha a catro** tempadas, así coma o equipo polo mesmo tempo

- q) Por agresión/s dende **oito** a **trinta** encontros, e dependendo da gravidade dos feitos acaecidos **expulsión** dende **unha** a **catro** tempadas, así coma o equipo polo mesmo tempo,
- r) Pola agresión repetida ou altamente lesiva ocasionando unha lesión que motivara a baixo do/s agredido/s, dende **vinte** a **cincuenta** encontros e en función das circunstancias concorrentes, **expulsión** dende **duas** a **catro** tempadas, así como o equipo polo mesmo tempo
- s) O delegado/xogador que estea sancionado, non poderá participar nin como delegado, nin como xogador. No caso de facelo, terá a consideración de **aliñación indebida**.
- t.) Cando un delegado/xogador ou xogador, que xoga en dous deportes diferentes sexa sancionado polo árbitro coa **expulsión** (técnica descalificante, cartón azul ou vermello) no transcurso do encontro; ou sexa **sancionado** polo comité de competición ou apelación, non poderá xogar na outra modalidade mentres non cumpra a sanción. No caso de xogar será expulsado dende **unha** a **tres** tempadas e o equipo donde xogou, será tamén expulsado por **aliñación indebida**
- u) Por non presentarse sen causa debidamente xustificada ante a organización, ou comités de competición ou apelación, no caso de ser convocado, dende **dous** a **seis** encontros

Todas as faltas en contra dos xuíces árbitros, oficiais de mesa, persoal das instalacións, colaboradores, ou membros da organización e comités, serán sancionadas co máximo rigor

9.2 SANCIÓNS AO RESPONSABLE OU DELEGADOS/AS

Os/as responsables e delegados/as serán sancionados, dende **amoestación** a **expulsión** polo incumprimento das seguintes obrigas:

- a.) Por permitir que os seus xogadores ou acompañantes incumpran as normas establecidas, respecto ao uso e conservación das instalacións deportivas e sobre o consumo de bebidas con alcohol, fumar ou comer pipas, o que faga de delegado nese encontro será sancionado dende **tres** encontros a **expulsión** dende **unha** a **tres** tempadas, podendo tamén ser **expulsado** o equipo.
- b) Por non entregar as licenzas coa debida antelación; (**5 minutos antes do comezo do encontro**), **un** encontro. No caso de reincidir **tres** encontros.
- c) Por entregar a/s licenza/s do/s xogador/es que non está/estean presente/s nese momento na instalación deportiva **dous** encontros. No caso de reincidir **catro** encontros.
- d) Por non presentar a/s **licenza/s** unha segunda vez, **tres** encontros, pola terceira **seis** encontros,
- e) Por negarse asinar a acta antes do comezo do encontro, e no caso de chegar tarde (**minutos de cortesía**), no descanso ou a finalización do encontro dende **catro** a **oito** encontros
- f) Por non facer cumprir a normativa a seus xogadores de que chegan a tempo para o comezo do encontro, (**minutos de cortesía**) o responsable do equipo e o que faga de delegado nese intre, **un** encontro. No caso de reincidir **tres** encontros.
- g) Por non presentar un balón ao árbitro antes do comezo do encontro, **un** encontro. No caso de reincidir **tres** encontros
- h) Por deixar que os xogadores saian a xogar indebidamente uniformados, ou que cando estean a xogar quiten a camiseta por fora do pantalón, a primeira vez **amoestación**, a segunda vez **un** encontro. No caso de reincidir **tres** encontros.
- i) Por deixar que os xogadores que están no banco estean de **pé** e non **sentados** no mesmo, a primeira vez **amoestación**, a segunda vez dende **un** a **seis** encontros.

j) Por deixar que estén no banco ao arredor, integrantes do equipo que non consten na acta, que xá están sancionados, que foran expulsados no encontro, que están de baixa no caso de constar na acta, e non están debidamente uniformados, así como calquera outra persoa que non pertenza ao equipo, dende **tres** encontros a **expulsión** dende **unha** a **tres** tempadas, así coma o equipo polo mesmo tempo.

k) Por deixar que o equipo se retire do terreo de xogo ou negarse a inicialo sen causa maior moi xustificada, dende **tres** a **quince** encontros.

l) Por deixar que o/s xogador/es se autoexpulse/n do terreo de xogo ou abandonar o banco sen a autorización do árbitro ou oficial da mesa, dende **un** a **catro** encontros

m) Pola invasión do campo por parte dos seus xogadores ou acompañantes dende **tres** a **quince** encontros.

n) Por deixar que os seus xogadores usen tacos metálicos, o responsable do equipo e o que faga de delegado no encontro, dende **quince** a **trinta** encontros e no caso de sufrir alguén unha lesión polo seu uso, expulsión dende **dúas** a **catro** tempadas.

ñ) Por deixar que os seus xogadores, quecen co balón/s no medio dos campos (**futbol 7**) ou dentro do pavillón mentres estean xogando outros equipos, a primeira vez dende **dous** a **catro** encontros No caso de reincidir dende **catro** encontros á **expulsión** podendo tamen ser **expulsado** o equipo.

No caso de que o/s balón/s interrompa/n o normal desenvolvemento do encontro, dende **tres** a **seis** encontros., No caso de reincidir dende **seis** encontros á **expulsión** dende **unha** a **dúas** tempadas podendo ser **expulsado** o equipo polo mesmo tempo.

o) Por deixar que os seus acompañantes estean no medio dos campos (**futbol 7**) mentres está xogándose o encontro, a primeira vez; dende **amoestación** a **catro** encontros: No caso de reincidir dende **catro** a **dez** encontros, no caso de ser nenos/as dende **dous** encontros a **expulsión** ata **tres** tempadas, podendo ser **expulsado** o equipo polo mesmo tempo.

p) Por negarse a entregar a/s licenza/s do/s compoñente/s do equipo ao árbitro do encontro, membros da organización ou comités, **expulsión** dende **unha** a **catro** tempadas así coma ao equipo polo mesmo tempo

q) Pola primeira incomparecencia do equipo incumprindo calquera dos **apartados b – c – d – e**, do **artigo 16**, **dous** encontros

r) Pola non presentación do equipo incumprindo o **apartado b** do **artigo 18**, **un** encontro. Por incumprir o **apartado c**, a primeira vez, **dous** encontros, por incumprir o **apartado c**, unha segunda vez, **catro** encontros.

s) Pola **expulsión** do equipo por contravir calquer apartado do **artigo 7**, o responsable do equipo será **expulsado** dende **unha** a **catro** tempadas.

t) Se polo incumprimento das súas obrigas, as mesmas provocaran accións que fixeran perigar a integridade física do xuíz árbitro, oficial da mesa, persoal das instalacións, membros da organización, comités, xogadores ou acompañantes do equipo propio ou contrario dende **catro** encontros a **expulsión** ata **tres** tempadas.

u) Por non entregar a/s licenza/s na sede da organización do/s sancionado/s, no prazo establecido no presente regulamento, **artigo 20**, **apartado 1**, o responsable do equipo será sancionado con **tres** encontros.

9.3 SANCIÓNS AOS XOGADORES

As faltas cometidas, independentemente do establecido no **artigo 9**, **apartado 9.1**, e da aplicación polo árbitro do regulamento deportivo, sancionaranse da seguinte forma:

a) Polo uso de tacos metálicos:**expulsión** dende **dúas** a **catro** tempadas.

- b) Pola non adecuada vestimenta ou saír a xogar indebidamente uniformado, a primeira vez **un** encontro e sanción económica. No caso de reiteración dende **dous** a **seis** encontros e sanción económica.
- c) Polo uso de vestimenta non autorizada neste regulamento, ou poñer a camiseta por fóra do pantalón cando se está a xogando, dende **amoestación** a **catro** encontros.
- d.) Por atrasar intencionadamente o comezo ou reinicio do encontro, dende **dous** a **seis** encontros
- e) Por xogo perigoso ou violento, dende **dous** a **quince** encontros e segundo a gravidade dos danos causados **expulsión** dende **unha** a **catro** tempadas
- f) Por autoexpulsarse do terreo de xogo ou abandonar o banco sen a autorización do árbitro ou oficial da mesa, dende **un** a **catro** encontros.
- g) Por querer co/n balón/s no medio dos campos (**Futbol 7**) que están próximos, polas bandas dos mesmos, ou dentro do pavillón mentres están xogando outros equipos, dende **un** a **catro** encontros. No caso de que o/s balón/s interrompa/n o normal desenvolvemento do encontro, dende **dous** a **seis** encontros,

A reiteración nalgún destes apartados poderá chegarse a sancionar coa expulsión do infractor dende unha a tres tempadas, así como a do seu equipo polo mesmo tempo

10 PERMUTA DAS SANCIÓNS

- 1) Os participantes que foron sancionados só cun máximo de **catro** encontros poderán solicitar por escrito ante a organización ou comité de competición, a permuta da sanción para facer arbitaxes de Futbol 7 base, ou outras actividades os sábados ou domingos.
- 2) Se un participante solicita a dita permuta e non se presenta sen unha causa debidamente xustificada, será sancionado co dobre da sanción que xa tiña, tendo que cumprir integramente esta nova sanción, nonse podendo acoller a unha nova permuta.

11 SANCIÓN POR CARTÓN

- a) Cando a falta cometida durante un encontro sexa penalizada coa expulsión, (**cartón descalificante, baloncesto**), (**vermello, futbol sala**), (**azul directo** ou **vermello, futbol 7**), por parte do árbitro, este retirará a licenza do infractor, que se deberá considerar xa **sancionado** para o seguinte encontro. Todas estas sancións poderán verse incrementadas segundo o fallo do comité de competición, quen valorará a gravidade dos feitos polo cal foron mostradas.
- b) Todos os cartóns que mostre o árbitro aos participantes que estean no banco ou na grada, serán incrementados co **dobre** do que marque o **artigo/apartado**, aplicado no seu caso.

12 SANCIONS POR ACUMULACIÓN DOS CARTÓN

Baloncesto (técnicas acumulativas), futbol sala e futbol 7, (amarelas).

a)	5	“	Técnicas ou Amarelas	1 encontro
b)	8	“	“ “ “	1 encontro
c)	10	“	“ “ “	1 encontro

13 EXPULSIÓN POR CARTÓNS

- a) **3** Técnicas descalificantes (baloncesto).
- b) **4** Vermellos fútbol sala.
- c) **3** Vermellos fútbol 7.
- d) **5** Azuls directas fútbol 7.
- e) **12** Amarelos ou Técnicas acumulativas (baloncesto).

14 SUSPENSÍONS

1) Cando un encontro se teña que suspender ou interromper por agresións mutuas ou actitudes antideportivas de algún/s equipo/s ou dos seus acompañantes, antes do comezo ou durante o desenvolvemento do mesmo, procederáse a dárle o encontro por perdido, perda da totalidade da **fianza** e desconto de **quince puntos** na clasificación xeral do equipo que, de feito feamente conste como responsable, sancionándose o/s xogador/es e delegado/s nese encontro, dende **oito** encontros a **expulsión dunha** a **catro** tempadas, puidendo chegar a sancionarse o/s equipo/s polo mesmo tempo.

2) Cando a suspensión é debida á falta dun balón regulamentario en boas condicións o encontro rematará a ceros, descontandolle a cada equipo **tres puntos** na clasificación xeral, sendo sancionados os delegados responsables e tamen economicamente.

3) Se o árbitro estivera coaccionado coa actitude dalgún dos equipos ou acompañantes, non fora capaz de suspender o encontro ou actuar dun xeito neutral; o resultado final non terá validez, os comités de competición e apelación terán a potestade para abrir información sobre os feitos acaecidos e sancionar se é necesario o/s delegado/s e xogador/es

4) Se o encontro se suspende por causas de forza maior, condicións atmosféricas ou deficiencias no terreo de xogo; non se volverá xogar se faltan menos de **dez** minutos para a finalización do mesmo. Noutro caso o encontro acabárase xogando o tempo pendente, puidendo só aliñar cada equipo aos xogadores que constaran na acta do encontro anterior, sendo **excluídos** aqueles que foran **sancionados** como consecuencia dese encontro. No caso de aliñar a ditos xogadores o/s equipo/s será/n expulsado/s por **aliñación indebida**.

15 INCOMPARECIAS

15.1 INCOMPARECIAS

- a) Cando non estea ninguén do equipo no terreo de xogo.
- b) Cando transcorridos os **5 minutos de cortesía**, dende a hora prefixada para o comezo do encontro, un ou os dous equipos non estean presentes co número mínimo de xogadores esixido polo presente regulamento.
- c) Cando un equipo se retira do terreo de xogo sen causa maior debidamente xustificada, unha vez comezado o encontro, ou a súa negativa a inicialo.
- d) Pola non presentación da/s licenza/s unha **terceira** ou **cuarta** vez.

16 SANCÍONS POR INCOMPARECIAS

a) Pola primeira incomparencia se non se presenta ninguén do equipo ou se a competición fora a unha volta ou unha eliminatoria, **expulsión**.

b) Pola primeira incomparencia, cun número insuficiente de xogadores ou non presentar a/s licenza/s unha terceira vez, sanción ao **responsable** do equipo, perda do encontro polo resultado que especifique o deporte correspondente, perda da metade da **fianza** e desconto de **seis puntos** na clasificación xeral.

- c) Cando os dous equipos se presentan cun número insuficiente de xogares, ou no caso de non presentar a/s licenza/s unha terceira vez, as sancións serán as seguintes. O encontro se lles dará cun empate a **ceros**, sanción a cada **responsable** do equipo, perda da metade da **fianza** e desconto de **sete puntos** na clasificación xeral a cada un deles.
- d) Por retirarse do terreo de xogo ou non querer iniciar o encontro, sanción ao **responsable** do equipo, perda do encontro polo resultado que especifique o deporte correspondente, perda da totalidade da **fianza** e desconto de **seis puntos** na clasificación xeral.
- e) A falta só de **catro** xornadas para o remate da tempada, no caso de presentarse un equipo cun número insuficiente de xogadores ou non presentar a/s licenza/s unha terceira vez, as sancións serán as seguintes: sanción ao **responsable**, perda do encontro polo resultado que especifique o deporte correspondente, perda da totalidade da **fianza**, desconto de **seis puntos** na clasificación xeral e perda da **categoría** para a vindeira tempada, no de caso cun equipo na vindeira tempada, teña que xogar na mesma categoría, non poderá ascender, Se equipo xoga na última categoría, na vindeira tempada non poderá ascender.
- f) Pola **segunda** incomparecencia **expulsión**.

17 NON PRESENTACIÓNS

Considérase nón presentación, cando o responsable ou delegado/a do equipo notifica por escrito antes das **20,30** horas do **mercores** anterior a xornada a celebrar, que non se pode presentar a xogar por causa maior debidamente xustificada.

18 SANCIÓN POR NON PRESENTACIÓNS

- a) Pola non presentación a primeira vez, perda do encontro polo resultado que especifique o deporte correspondente.
- b) Pola non presentación a segunda vez, sanción o **responsable**, perda da metade da **fianza**, e perda do encontro polo resultado que especifique o deporte correspondente.
- c) A falta só de **catro** xornadas para o remate da tempada; a primeira vez perda do encontro polo resultado que especifique o deporte correspondente, sanción ao **responsable**, perda da metade da **fianza** e de **tres** puntos na clasificación xeral, pola segunda, sanción ao **responsable**, perda do encontro polo resultado que especifique o deporte correspondente, perda do resto da **fianza** e de **seis** puntos na clasificación xeral.
- e) Pola non presentación unha terceira vez, **expulsión**

O comité de competición está facultado para apreciar, en caso excepcional, as incomparecencias, ou non presentacións xustificadas, procedendo da seguinte maneira,

Reprogramación ou perda do encontro, sempre que fora por unha causa de forza maior debidamente justificada.

19 SANCIÓN POR ALIÑACIÓN DE FEDERADOS

O equipo que aliñe algún xogador federado, estea ou non en activo, que non cumpra o artigo 1 apartado 1.7, será sancionado con,

Expulsión do **responsable** do equipo e do **xogador** dende **dúas** a **catro** tempadas.

Perda de todos os encontros nos que participou o xogador, polo resultado que especifique o deporte correspondente ata a data da resolución do comité de competición.

Perda de **quince** puntos na clasificación xeral e perda da categoría para a próxima tempada non podendo ascender na mesma. No caso de xogar na última categoría, nas vindeiras **duas** tempadas non poderá ascender.

Perda da totalidade da **fianza**.

20 REGULAMENTO DAS SANCIÓN S

1) Despois de pórse no taboleiro de anuncios as decisións do comité de competición, calquera dos delegados (responsable, delegado/a ou delegado/xogador), terá que entregar a/s licenza/s do/s sancionado/s no prazo máximo de **24 horas** na oficina da organización. No caso de estar só sancionado por acumulación de cartóns, non é necesario entregar a licenza.

2) As sancións serán cumpridas de maneira estrita nos encontros vindeiros á data do fallo do comité de competición ou apelación.

3) **Se, o/s integrante/s dun equipo non termina/n de cumprir a sanción que tiña/n imposta dentro do desenvolvemento da tempada, quedará/n sometido/s á/s seguinte/s.**

4) **O equipo que teña algún sancionado, ou fiche a alguén que xa o estea, e o aliñe para xogar non tendo cumprido integramente a sanción que tiña imposta, será expulsado por ALIÑACIÓN ENDEBIDA.**

21 SANCIÓN S ECONÓMICAS

- a) Cartóns de técnicas acumulativas e amarelos..... 1,00.- €
- b) Cartón descalificante, baloncesto..... 3,00.- €
- c) “ azul, futbol 7..... 2,00.- €
- d) “ vermello, futbol sala e futbol 7.....3,00.- €
- e) Falta de uniformidade adecuada, (camiseta ou pantalón diferente)..... 3,00.- €
- f) Non presentación dun balón regulamentario ou en perfectas condicións.... 15,00.- €

22 PAGAMENTO DAS SANCIÓN S ECONÓMICAS

1) As sancións descontaranse do depósito que os equipos ingresaron para as mesmas, no caso de que un equipo quede só con **8,00.-€**, terá que facer un novo depósito no prazo máximo de **sete días** dende que se avisou. **Ao/s equipo que non cumpra dito prazo, non se lle programará/n encontro/s dándoselle/s o/s mesmo/s por perdido/s pola mínima diferenza.**

2) O equipo será **expulsado** cando sexa avisado unha segunda vez e non faga o ingreso antes do **martes** anterior á seguinte xornada,

3) Cando un equipo perda a totalidade da **fianza** terá que repoñela no prazo máximo de **sete días**, o equipo que incumpra esta norma sera **expulsado**, e todos os integrantes do mesmo, non poderán participar na vindeira tempada.

23 ACLARACIÓN S E RECLAMACIÓN S

1) O/s equipo/s a través, só do **responsable** do/s mesmo/s ou, por causa de forza maior **só** por calquera dos outros dous, (delegado/a, ou delegado/xogador) poderá presentar por escrito as aclaracións ou reclamacións que xulgue oportunas na defensa dos seus intereses e do equipo ante o comité de competición antes das **20,30 horas** do luns seguinte á celebración do encontro.

2) As aclaracións e reclamacións teñen que se presentar mediante escrito razoado informando sobre os feitos acaecidos, aportando cantos datos e probas consideren oportunas para o maior coñecemento dos feitos. Non terán validez as aclaracións ou reclamacións feitas de forma oral.

3) En ningún caso, expresaranse xuízos de valor, ou descalificacións sobre os árbitros, delegados, comités, organización ou equipo rival; neste caso **desestimárase** dita aclaración ou reclamación.

4) Ao facer unha reclamación por “**aliñación indebida**”, o reclamante terá que depositar a cantidade de **10,00.-€** por xogador. **No caso de prosperar a súa reclamación, o depósito será devolto.**

24 RECURSOS

1) O **responsable** do equipo, ou por causa de forza maior **só** por calquera dos outros dous delegados, (delegado/a, ou delegado/xogador), poderán interpor recurso ante o comité de apelación das resolucións disciplinarias adoptadas polo comité de competición.

2) O recurso presentarase por escrito e cun depósito de **10,00.-€**, (Se o recurso é conxunto **20,00.-€**) na sede da organización antes das **20,30 horas** do xoves seguinte ao fallo do comité de competición. **No caso de prosperar dito recurso, o depósito será devolto.**

Todos os escritos das aclaracións, reclamacións e recursos terán que encabezarse co nome do delegado que o fai, con seu número da licenza, DNI e nome do equipo, tendo que vir sempre asinados.

25 BAIAS DE EQUIPOS, EXPULSIÓN/S

1) No caso de que algún grupo da 2ª división de baloncesto, 2ª división de honra no fútbol 7 e na 4ª división en fútbol sala e fútbol 7, quede nas **dúas** primeiras xornadas con menos equipos dos establecidos ao principio da competición (pola retirada ou expulsión do/s mesmo/s), dita/s baixa/s poderá/n ser cuberta/s con outro/s equipo/s, co fin de que os grupos sexan parellos. No caso de cubrirse dita/s baixa/s os resultados obtidos polos equipos que xogaron contra eles non terán validez, tendo que xogar de novo dito/s equipo/s contra o novo/s.

2) Despois da 2ª xornada se un/s equipo/s se da de baixa ou é expulsado/s, todos os resultados obtidos polos equipos que xogaron contra el/es non terán validez a efectos da clasificación xeral.

3) O equipo que por sancións ou baixas quede cun número de xogadores que non lle permita cubrir o mínimo para comezar o encontro, será **expulsado**.

4) Unha vez comezada a Competición, no caso de **RETIRADA** ou **EXPULSIÓN**, o equipo, e os compoñentes do mesmo, **PERDERÁN TODOS OS SEUS DEREITOS**, e baixo ningún concepto terán dereito á devolución do importe aboado da fianza, do seguro, da Inscripción, nin do depósito para as sancións.

5) A expulsión individual como do equipo, según a gravidade dos feitos acaecidos pode ser dende **unha a catro** tempadas.

26 TABOLEIRO ANUNCIOS E PÁXINA WEB

As únicas programacións válidas son as que se expoñen nos taboleiros de anuncios desta organización, sitios no Instituto Municipal dos Deportes, (**IMD**), e da páxina web **www.vide.es**, da Fundación Vigo en Deporte (**VIDE**), onde se reflectan os encontros programados, a partir das 19,30 dos mércores e as resolucións dos comités os martes e xoves.

Na páxina web, tamén se porán as normas e regulamento, avisos, calendarios, clasificacións e as resolucións dos comités de competición e apelación.

27 COMISIÓN DE PARTICIPACIÓN

27.1 COMPOÑENTES

Presidente da “Agrupación Deportiva Vigo”
Dous membros da Organización
Un participante de Baloncesto
Un participante de Fútbol Sala
Un participante de Fútbol 7
Un representante dos árbitros
Un ou dous funcionarios do Concello ou Organización tutelada.

27.2 NOMEAMENTOS

1) Para elixir aos representantes de baloncesto, fútbol sala e fútbol 7, a organización, dentro das primeiras sete xornadas da competición, levará a cabo unha convocatoria de eleccións, na cal poden concorrer todos os participantes, pero só poderán votar os responsables de cada equipo ou outra persoa na que deleguen por escrito, acompañando dita autorización co o seu DNI, ou fotocopia compulsado do mesmo.

2) O colectivo dos árbitros nomeará ao seu representante na forma que estimen conveniente.

3) O **Concello** ou a Organización tutelada e a “**Agrupación Deportiva Vigo**” nomeará aos seus representantes.

27.3 COMPETENCIAS

1) Velará para que a xestión deportiva da Organización se axuste ás bases das normas e regulamento establecidos.

2) Formulará cantas suxestións e peticións considere oportunas para o mellor desenvolvemento da competición.

3) Os representantes dos equipos formaran parte do comité de apelación.

27.4 REUNIÓNS

As reunións celebraranse unha vez ao mes, cando o soliciten o 50 % dos seus membros, ou por causas de forza maior, neste caso terá que ser convocada polo Presidente.

28 COMITÉ DE COMPETICIÓN

O Comité está formado por,

Presidente.
Secretario.
Vogal

1) As decisións do comité de competición baséanse fundamentalmente, nos datos contidos nas actas e nos anexos dos xuízes árbitros, así coma nas aclaracións ou reclamacións que poida/n presentar o/s delegado/s do/s equipo/s.

2) As decisións do Comité de Competición terán validez legal a todos os efectos, dende o momento da súa publicación no taboleiro de anuncios ou na páxina web.

29 COMITÉ DE APELACIÓN

O Comité estará formado por,

Presidente da “Agrupación Deportiva Vigo”
Dous Técnicos deportivos da Organización.
Tres representantes dos equipos, un por deporte.
Representante dos xuízes árbitros.

1) O Comité de Apelación ten competencia sobre todas as incidencias que poidan derivarse do desenvolvemento da competición “**Vigo en Xogo**” e constitúe a instancia última da apelación, puidendo revocar, confirmar ou modificar tanto as decisións, como os acordos adoptados polo comité de competición ou organización

2) O Comité de Apelación có fin de evitar posibles perxucios irreparables; de oficio ou a instancia de parte, poderá decretar a suspensión cautelar da aplicación das decisións ou acordos adoptados polo Comité de Competición ou Organización ata a publicación da súa decisión sobre os mesmos.

Contra as resolucións adoptadas polo comité de apelación non haberá recurso, sendo o seu fallo inapelable

30 ÁRBITROS

Os árbitros, como máxima autoridade e xuíz dos encontros, deberán dar exemplo, en todo momento ante os participantes, especialmente no seu comportamento persoal e uniformidade.

- 1) O árbitro é a autoridade deportiva única e inapelable na orden técnica, para dirixir os encontros.
- 2) As súas competencias comezan no momento de entrar no recinto deportivo e non terminan ata que o abandona, conservándoas polo tanto, durante os descansos, interrupcións e suspensións, aínda que o balón non estea no campo de xogo.
- 3) Tanto os delegados como os xogadores, deben acatar as súas decisións e estan obrigados a apoialo e protexelo en todo momento para garantir a independencia da súa actuación e ao respecto debido o exercicio da súa función.

30.1 OBRIGAS

- 1) Non poderán pertencer a ningún equipo da competición nin como delegado nin como xogador. excepcionalmente e só por causas de forza maior a organización poderá autorizalo.
- 2) Terán que asistir obrigatoriamente ás reunións e ós cursiños de actualización que se impartan.
- 3) Terán que recoller os nomeamentos (actas), tendo que entregar as mesmas coas cartolinas onde se reflicten as incidencias do encontro, e os anexos no horario establecido pola organización.
- 4) Presentaranse nas instalacións deportivas cunha antelación mínima de dez minutos co obxecto de recoñecelas, examinar as súas condicións, inspeccionar os vestiarios e terreos de xogo e comprobar o seu estado e as condición xerais das mesmas, (liñas, porterías, redes, etc.) anotando no parte de incidencias das instalacións o estado da mesma.
- 5) Farán as advertencias necesarias aos delegados do encontro para que os xogadores se comporten antes, durante e despois do encontro coa corrección e deportividade debida.
- 6) Cubrirán as actas co número de licenza e nome do delegado/a responsable no encontro e os números das licenzas e dorsais dos xogadores. No caso de que as actas estean xa cubertas cos números das licenzas e nomes, terán que poñer os números dos dorsais e marcar con unha (X) os xogadores que estean presentes.
- 7) Comprobarán e revisarán as licenzas dos participantes cando a organización ou os comités de competición e apelación o estimen oportuno.

- 8) Revisarán os balóns que presenten os equipos, esixindo que reunan as condicións regulamentarias
- 9) Non deixarán xogar ao que non cumpra a regulamentación, respecto as proteccións das canelas, dorsais, adornos, piercing e lentes.
- 10) Prohibirán que entren no terreo de xogo sin a súa autorización, outras persoas que non sexan os xogadores que están xogando.
- 11) Non deixarán que no banco estea/n un/s xogador/es que non consten na acta, o/s expulsado/s, así como outra/s persoa/s que non son do/s equipo/s.
- 12) Farán cumprir a obriga de que os membros do equipo e os xogadores que non estean xogando teñan que permanecer sentados nos bancos.
- 13) Farán cumprir a obriga para que as substitucións dos xogadores se fagán conforme ás regras do xogo.
- 14) Retirarán a/s licenza7s e achegaralas/s a acta do/s participante/s que forá/n sancionado/s con cartón de, técnica descalificante (baloncesto), vermello (futbol sala) e azul directa ou vermello (futbol 7).
- 15) Se un encontro comezase atrasado por causas de forza maior ou por os **5 minutos de cortesía**, dito tempo descontarase sempre no transcurso do mesmo.
- 16) No caso de que as inclemencias meteorolóxicas ou por outras causas de forza maior, obrigarán á suspensión do encontro; a acta terá que cubrirse facendo constar na mesma as causas polas que non se puído levar a cabo o encontro. Tendo que pernanecer nas instalacións, e pechar unha a unha as actas nas horas previstas para cada un dos outros encontros que tiña que arbitrar.
- 17) A petición do delegado responsable do equipo no encontro, cubrirán e asinarán o parte de accidente cos datos do lesionado, entregando o mesmo ao accidentado, facendo constar no mesmo de que forma levou o golpe e onde, tendo que reflectir isto tamén na acta.
- 18) En ningún caso farán constar na acta ningunha clase de aclaración ou reclamación por parte dalgún equipo.
- 19) Os árbitros poderán atrasar ou adiantar un encontro, por causas de forza maior, ou tomar as medidas que estimen oportunas para axustar o horario establecido pola organización, pero nunca por causa dos equipos, aínda que houberse acordo entre eles.

Os árbitros independentemente dos anteriores apartados, rexeranse tamén pola normativa reflectida no réxime Interno sobre a conduta dos mesmos respecto á competición.

30.2 REGULAMENTACIÓN

Os árbitros están obrigados a reflectir na acta (no caso de ser un participante,terán que poñer o número da licenza e do dorsal), todas as incidencias que se produzan nos encontros e de forma expresa o relativo a,

- 1) Incomparecencia do/s equipo/s, ou que os mesmos non conten co número mínimo de xogadores para poder comezar o encontro, tendo que reflectir a hora do feche.
- 2) Cando lle entregan as licenzas sen a debida antelación ou no descanso
- 3) Puntualidade do/s equipo/s (**minutos de cortesía**), tendo que reflectir o equipo que chegou tarde e a qué hora comezou o encontro.
- 4) A negación por parte do delegado do equipo a asinar a acta antes do comezo do encontro, ou no caso de chegar tarde (**minutos de cortesía**) no descanso ou a finalización do encontro.

- 5) A uniformidade e vestimenta do/s xogador/es que no/n reúna/n os requisitos establecidos neste regulamento e dos xogadores que non saian o terreo de xogo coa camiseta por dentro do pantalón ou que cando estean xogando as poñan por fora.
- 6) A presentación ou non de balón/s e condicións dos mesmos se non valen para xogar.
- 7) A negación por parte dos participantes de permanecer sentados no banco.
- 8) A negación de abandonar o terreo de xogo ou banco, o/s participante/s excluído/s no encontro.
- 9) A presenza de xogador/es, que estean no medio dos campos, (fútbol 7) ou dentro do pavillón quecendo co balón, mentres estea xogando o seu equipo ou outros.
- 10) A presenza no terreo de xogo dos acompañantes, estean ou non xogando cun balón, mentres estean a xogar os equipos, e sin son maiores ou nenos/as.
- 11) A presenza no banco de persoas alleas aos equipos ou xogadores que non consten na acta ou que estean indebidamente uniformados.
- 12) A invasión por parte de xogadores ou acompañantes no terreo de xogo.
- 13) A negación por parte dalgún equipo a someterse á comprobación e revisión das licenzas ou á falta de algún dos participantes cando se estea a facer dita comprobación.
- 14) A negación por parte dalgún participante a ensinar o seu DNI, ou outro documento orixinal para a perfecta comprobación da súa licenza.
- 15) Dúbdas sobre a validez da/s licenza/s de algún/s participante/s
- 16) Todas as condutas e feitos antideportivos acaecidos, antes, durante ou despois do encontro, no campo de xogo, nos bancos dos equipos, nas gradas, nos vestiarios, e incluso os producidos fóra da instalación deportiva; protagonizado/s por algún dos participantes ou polos seus acompañantes.

30.3 ANEXOS

- 1) Co fin de evitar situacións de tensións, os árbitros poderán facer un anexo á acta do encontro, con posterioridade á finalización do mesmo e fóra da instalación, tendo que reflectir na mesma que vai facer dito anexo.
- 2) O/s equipo/s implicado/s poderá/n dirixirse á organización co fin de coñecer o contido do mesmo.

31 INCOMPARECENCIA ARBITRAL

- 1) Cando non se presente o árbitro dun encontro deberán poñerse de acordo os delegados, (responsable, delegado/a, ou delegados/xogadores) dos dous equipos para que algún dos presentes aínda que non sexa dos equipos faga dita función, levantando acta noutro papel, con todos os datos dos, delegados, xogadores, número das licenzas e dorsais, goles e incidencias, etc. tendo que ser asinada polos delegados responsables nese encontro de cada equipo.
- 2) O equipo locatario ten a obriga de entregar a acta na oficina da organización antes das **18,00 horas** do **LUNS** seguinte á celebración do encontro, sendo válida a todos os efectos, si así o estima o comité de competición. No caso de non entregala no horario da data sinalado daráselle o encontro por perdido, descontándolle **dous puntos** na clasificación xeral.
- 3) No caso de que non se poñan de acordo os dous equipos, e o encontro quedase sen celebrar darase o encontro por empatado, **ceros** a **ceros** a ámbos os dous equipos, descontándolle **tres puntos** na clasificación xeral a cada un deles.
- 4) Todo encontro non arbitrado polo árbitro designado pola organización non será aboado.

32 SEGURO DOS ACCIDENTES DEPORTIVOS

32.1 CONDICIÓNS PARTICULARES

Compañía Aseguradora: ESTRELLA SEGUROS, S.A.
Rúa Policarpo Sáenz, 36 - 38, 1º - Oficina, A
Tfnos: 986 - 44 97 08 – 986 - 44 97 06
Vigo

Póliza nº X05361000608 **Duración,** 01/10/2009 - 30/06/2010

Tomador do seguro “Agrupación Deportiva Vigo“

Competición Vigo en Xogo 2.009 - 2.010

Servicio de atención 24 horas, 902 300 901 **NOTA:** E conveniente chamar sempre a oficina de Vigo

Centro concertado: CLINICA NTRA. SRA. DEL PERPETUO SOCORRO
Rúa Manuel Olivie, 11 (subida o Castro)
Tno. 986 – 41 14 66
VIGO

Ambulancia: AMBULANCIAS DO ATLANTICO
Tfnos: 986.- 48 35 25 – 986 – 41 17 81

32.2 GARANTÍAS ASEGURADAS

CAPITAL ASEGURADO

Falecemento por accidente, gastos do enterro e enterramento.....3.000,00.- €

Invalidez permanente absoluta.....6.000,00.- €

32.3 ASEGURADOS

Teñen a condición de asegurados todas aquelas persoas que figuran identificadas, na relación nominal, asinada e selada polo tomador “Agrupación Deportiva Vigo” e a **Compañía de Seguros ESTRELLA SEGUROS, S.A.**

32.4 ASISTENCIA SANITARIA

Nos centros Sanitarios e/ou Facultativos concertados pola Aseguradora.

32.5 COBERTURA E RISCOS CUBERTOS

1) Todos os xogadores de, baloncesto, futbol sala e futbol 7, participantes nas competicións deportivas “**Vigo en Xogo**”, que son organizadas pola “**Agrupación Deportiva Vigo**” teñen unha cobertura de asistencia sanitaria (honorarios dos facultativos, estancia hospitalaria, probas diagnosticas ou exploratorias) que precisen, como consecuencia da/s lesión/s producidas nun encontro, sempre que dita lesión fora reflectida na acta, polo árbitro do encontro.

2) A prestación sanitaria cuberta non terá limite económico, cando a mesma se reciba en calquera Centro Sanitario e/ou Facultativo expresamente designados polo Asegurador, e prolongárase até un máximo de **dous anos** a partir da data do acaecemento do sinistro.

3) Os traslados do accidentado só en casos de extrema urxencia e sempre que sexan realizados pola Compañía das Ambulancias concertada polo Asegurador.

4) Os gastos debidos a material ortopédico, que sexa necesario como consecuencia do accidente, até un máximo do 5% do capital establecido para os gastos de enterro.

32.6 RISCOS EXCLUÍDOS

- 1) A atención noutro/s Centro/s Sanitario/s ou Facultativo/s, que no/n sexa/n o/s concertado/s polo Asegurador.
- 2) O traslado noutra/s ambulancia/s que non sexa a concertada polo Asegurador.
- 3) As lesións ou accidentes producidas nos desprazamentos, adestramentos ou competicións distintas das organizadas pola “**Agrupación Deportiva Vigo**”.
- 4) Os accidentes derivados do desprazamento dende o seu domicilio aos terreos de xogo ou viceversa.
- 5) As lesións producidas en caso de desordes orixinados, antes, durante ou despois dun encontro.
- 6) Calquera indemnización pola rotura dos lentes, roupa ou calquera outro obxecto, aínda que a mesma sexa consecuencia do accidente cuberto pola póliza.
- 7) Os fármacos de calquera clase, salvo os administrados ao accidentado mentres estea hospitalizado.
- 8) As enfermidades de calquera natureza, incluso o infarto de miocardio ou derrames cerebrais, como as lesións e outras consecuencias debidas a operacións, inxeccións ou tratamentos médicos, cando non sexan resultado dun accidente.

32.7 DECLARACIÓN DOS SINISTROS

- 1) No caso de lesión/s, o delegado/a do equipo terá que lle solicitar ao árbitro do encontro que dita lesión a reflecta na acta.
- 2) O parte da declaración do sinistro atoparase en poder do árbitro do encontro, que deberá cubrir en todos os seus apartados sendo asinado tamén polo accidentado.
- 3) No caso de que o árbitro non dispoña nese momento dun parte, terán que recollelo na oficina da organización, tendo que entregalo nun prazo máximo de **24 horas** no centro sanitario concertado.
- 4) Excepcionalmente, naqueles casos nos que a lesión se manifeste días despois da celebración do encontro, o cumprimento do parte, relizarao a organización, sempre que dita lesión fóra reflectida polo árbitro na acta do encontro.
- 5) Calquera actuación médica posterior á asistencia inicial da urxencia precisará de autorización previa da **Compañía Aseguradora**.

32.8 DATOS A CUMPRIMENTAR NO PARTE DE ACCIDENTE

- a) Nome e Apelidos do accidentado
- b) DNI do accidentado
- c) Idade do accidentado
- d) Nome do equipo
- e) Data do accidente
- f) Hora do accidente
- g) Instalación e lugar da mesma
- h) Nome do Arbitro
- i) Encontro. (nome dos dous equipos)
- j) Descrición de como se produciu o accidente
- k) Sinatura do árbitro.
- l) Sinatura do asegurado

O accidentado terá que levar e entregar no Centro Sanitario concertado o seguinte: Parte de sinistro, copia da Acta e a súa Licenza.

TODOS OS PARTES DO SINISTRO TEÑEN QUE IR DEBIDAMENTE CUBERTOS E ASINADOS

33 BAIXA MÉDICA

O accidentado que este de baixa, terá que retirar a súa licenza na oficina da organización presentando o parte de alta.

34 USO INDEBIDO DO SEGURO

1) A “**Agrupación Deportiva Vigo**”, nin a **Compañía Aseguradora ESTRELLA SEGUROS, S.A.**, faranse cargo de ningún gasto derivado pola asistencia que poidan ter os participantes noutro/s Centro/s Sanitario/s, ou Facultativos, nin polo uso da/s ambulancia/s que non sexa/n o/s concertado/s polo Asegurador.

2) O uso indebido do Seguro, para unha lesión non acaecida nesta competición “**Vigo en Xogo**”, será sancionada con a **expulsión** do **infractor** e do **responsable** do equipo dende **dúas** a **catro** tempadas.

3) No caso de que un participante faga uso de doutro/s Centro/s Sanitario/s, Facultativo ou de outra/s Ambulancia/s que non sexa/n os designados pola Compañía Aseguradora, terá que facerse cargo de todos os gastos orixinados. Se nin o lesionado nin o equipo se queren facer cargo dos gastos, será sancionado o **infractor** e o **responsable** do equipo dende **dúas** a **catro** tempadas, reservándose tanto a **Compañía Aseguradora** coma a “**Agrupación Deportiva Vigo**” o dereito a reclamar ditos gastos pola **vía xudicial** que estimen conveniente.

35 DISPOSICIÓN DERRADEIRA

A “**Agrupación Deportiva Vigo**”, como organizadora, resérvase o dereito de modificar na tempada estas Normas e Regulamento, en prol dun mellor desenvolvemento da Competición.

PRÁCTICA O “ XOGO LIMPO “

“Vigo en Xogo ”, Competición Recreativa Nón Federada, non se pode réxir só nas vitorias ou nos trofeos, gañar non é a única finalidade, busca na competición outros valores. O máis importante debe ser participar baixo o principio fundamental de promover sempre o espírito deportivo do “ Xogo Limpo “.

Esta competición naceu para:

Os que aman o deporte.

Manter ou mellorar a saúde a través do deporte

A práctica da actividade física como hábito saudable.

Impulsar a función integradora e de conexión social a través da mesma.

Fomentar a convivencia entre todos os participantes, e xogar por xogar e o que debe prevalecer nesta competición “Vigo en Xogo“.

Práctica sempre, o “ XOGO LIMPO “, respectando aos árbitros, oficiais de mesa e opoñentes.

Os contrarios non son teus inimigos, non fagas de cada encontro unha batalla.

Trata de forma amigable e cordial aos integrantes do outro equipo.

Sal a xogar para pasar un tempo agradable con teus compañeiros e cos opoñentes.

A labor do árbitro ou do oficial de mesa xa é difícil de por si, colabora con eles evitando por en dúbida, ó, seu labor.

Ten un comportamento comedido e de respecto con teus opoñentes. Acepta as vitorias con naturalidade e as derrotas sen acritude.

Os comites, así como os árbitros, son necesarios para manter a orde, intenta axudar e non destruír

O mantemento e coidado das instalacións deportivas, depende de todos nos, respetaas, é procura deixalas como quixeras atopalas o chegar.

Co teu exemplo potencia o xogo limpo e a deportividade, contribuíndo dexa forma á eliminación de situacións de violencia tanto física como verbal

Os espectadores, deben colaborar na consolidación dos valores expostos anteriormente a través de actitudes de respecto aos participantes, árbitros, oficiais de mesa, e sobre todo ao equipo contrario.

A organización tén que atender, ademais do voso, a moitos mais equipos, respecta o seu funcionamento.

Para mellorar o funcionamento da competición, existen canles para achegar as vosas ideas.

A Organización

ESCUDO
AGRUPACIÓN DEPORTIVA VIGO

(CONTRAPORTADA)

AUTOESCOLA MILUCHO COS EQUIPOS DE VIGO EN XOGO

Nesta tempada, Autoescola Milucho en colaboración coa Agrupación Deportiva Vigo ofrece aos equipos participantes na competición as axudas seguintes:

A Autoescola Milucho se se matriculan, 10 xogadores ou simpatizantes do voso equipo, regálavos o seguinte:

Equipación completa composta por 14 camisetas, pantalóns e medias, 2 equipacións completas de porteiro e 6 sudaderas (sen publicidade e da cor que se elixa).

Por 8 matrículas:

Pagamento do seguro dos xogadores.

Por 6 matrículas:

Pagamento da cota de inscrición.

Por 3 matrículas:

Pagamento da fianza e do depósito das tarxetas para as sancións.

Por 2 matrículas:

1 balón de baloncesto ou 2 de fútbol sala ou fútbol 7.

Vigo, a 1 de setembro de 2009

AUTOESCOLA milucho

Rúa Colón, 7 (Galerías)
36201 Vigo
Tel. 986 222 622



(TAPA POSTERIOR)

ESCUDO DO CONCELLO

ESCUDO DO CONCELLO

CONCELLERÍA DE DEPORTES

TENENCIA DE ALCALDÍA

(ANAGRAMAS)

FUNDACIÓN VIDE

“AGRUPACIÓN DEPORTIVA VIGO“

IMD

“VIGO EN XOGO”

COMPETICIÓN DEPORTIVAS RECREATIVAS NON FEDERADAS